



UNIVERSITÄTS-
BIBLIOTHEK
PADERBORN

Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Secvnda Pars Mirabilis Vitæ Venerabilis Virginis Marinæ De Escobar

Puente, Luis de la

Pragæ, 1688

Prologus Editionis Hispanicæ.

urn:nbn:de:hbz:466:1-38666

PROLOGUS EDITIONIS HISPANICÆ.

P*Rima Pars admirabilis vitæ, & heroicarum virtutum Venerabilis Virginis Marinæ de Escobar, scripta fuit à Venerabili Patre Ludovico de Ponte, ipsius Conscientiæ Arbitro: cujus spiritus, doctrina ac sanctitas est abundè in Ecclesia Catholica perspetta, & pro quo in Sanctorum numerum referendo, ex commissione Sanctissimi Domini Nostri Clementis X., consuetà Ecclesiæ solennitate, sunt factæ informationes, postquam prius in Sacra Rituum Congregatione, unà cum reliquis ab illo editis libris, examinata fuit etiam vita ab eodem conscripta hujus Venerabilis Virginis. Pars secunda, quæ nunc in lucem prodit, parem habere Authorem non poterat, per quem illi tantum conciliaretur æstimationis, quanta priori per tantum Virum accessit. Quamobrem convenire videbatur, quin etiam esse necessarium, ut residuum vitæ Venerabilis Virginis, ad beatum usque ipsius ex hac mortalitate transitum P. Andreas Pintus Ramirez, scriptor ab insigni sua cum humanarum, tum divinarum peritia literarum apprimè notus, ità disponeret, ut omnia Venerabilis Virginis acta ad eum referrentur modum, quo ab ipsamet conscripta fuere, ac tradita Patri Michaëli de Orenja, Præposito quondam Castellaniæ Societatis Jesu Provinciæ, quem usque ad felicem suum obitum Conscientiæ habuit Moderatorem: quâ quidem ratione ejus erunt authoritatis, quam habere poterant maximam, ut ipsis fides adhibeatur, & ex æquo æstimentur: utque ea, quæ in ejus morte, ac deinceps evenerunt, enarrarentur, non aliâ ijs attributâ*
autho-

authoritate, quàm illi mereantur, qui testes omnium extiterunt.
 Digessit verò Pater Andreas Pintus Ramirez acla secundæ hujus
 partis suo singula loco reponendo, & quoad fieri poterat, temporum
 observando ac scriptorum ordinem, uti ex ipsa patebit historia. De-
 clarat quedam, ut eò percipiantur melius, & quæcunque de suo ad-
 dit, discernuntur charactere, ut Lector hæc scripta inoffenso percur-
 rat pede. Quod ad hanc vitæ Venerabilis Virginis Marinæ par-
 tem attinet, quisquis primam eolverit, usque adeò istam cum illa in-
 veniet concordare, ut minimè sit dubitaturus, quin ab eodem utraq-
 ue spiritu fuerit profecta. Provincia Castellana Societatis Jesu omnem
 adhibuit diligentiam, quam contenta in hac posteriore parte exigunt,
 ut ipsa quoque non minùs accepta foret, quàm tam admirandæ Vir-
 ginis sanctitas exposcat, de qua in Sanctorum album referenda arden-
 ter agitur. Quantumcunque autem varia sint hominum ab irri-
 cem dissidentium judicia, in eo tamen consentire omnes oportet, nec
 his, neque alijs temporibus, abbreviatam esse manum Dei, sed neque
 unquam abbreviandam: quandoquidem Romana Catholica ipsius
 Ecclesia est, fuit, & erit Sancta; atque hac sanctitate inter cætera
 differt, & hæcenus ab omni alia differebat Religione, cum in nulla,
 extra Catholicam Romanam Ecclesiam, vera locum habere possit
 sanctitas. Gratias Deo ex toto nos agere corde par est, quod eam
 hoc etiam seculo voluerit resplendere in multis suis utriusque sexus
 servis, totidem divinis & authenticis veræ fidei testibus, quam Ro-
 mana Catholica Ecclesia profitetur, ut nobis inde sit solatium,
 horum verò temporum Seclarij perfundantur
 rubore.



FACUL